

Inatsisartut suleriaasianni § 33 naapertorlugu matumuunakkut tulliuttumi taaneqartumik Naalakkersuisut aalajangiiffigisassatut siunnersuuteqarput:

**CPR-imut inatsisip allannguutaanut Kunngip peqqussutaata Kalaallit Nunaannut atuutinnejarnissaanik peqqussut pillugu Naalakkersuisut oqaaseqaateqarnissaat pillugu Inatsisartut aalajangiiffigisassaatut siunnersuut**

(Aningaasaqarnermut Aatsitassanullu Naalakkersuisoq)

### **Siullermeerneqarnera**

Cpr-imut inatsit Folkeetingip 2015-imi upernaakkut ataatsimiinnerani allanngortinneqarpoq, inatsisikkut nr. 545-kkut 29. aprili 2015-imeersukkut. Inuit inuttut siorasaarneqarlutik attaqqinassusiagaasut aamma inooqatigiinnikkut akerleriissuteqartut najugarisap allanut paasissutissiissutigineqannginnissaat pillugu allannguutikkut immikkut periarfissaqalerput. Najugarisap allanut paasissutissiissutigineqannginnissaanik immikkut periarfissanngortup inuup kommunemit nuussimaneranik allassimalernissaat periarfissaqartilerpaa.

Ataqqinassusiagaanermi inooqatigiittulluunniit akerleriissuteqarnermi § 28 naapertorlugu nalinginnaasumik aqkit najukkallu paasissutissiissutigineqannginnissaasa illersugaanerat naammanngitsoq paasineqarpoq. § 28-p taamaallaat aternik najukkallu paasissutissartaanik inunnut ingerlatitseqqittoqannginnissaat killilerpaa. Ateq najugarlu pilligit paasissutissat illersugaasut pisortatigoortumik CPR-inik takunnissinnaasunit tamanit takuneqarsinnaapput. Najugaq pillugu paasissutissanik illersugaasunik tunniussineq assigiinngitsorpassuartigut pisinnaavoq. Najugaq pillugu paasissutissaq suliamut suliarineqartumut tunngatillugu tunniuttoorneqarsinnaavoq, imaluunniit najugaq pillugu paasissutissaq qarasaasiatigut paasissutissaatinit tunniuttoorneqarsinnaalluni.

Inuup najugaata paasissutissartaasa immikkut illersorneqarnissaat politiinit aalajangerneqartarpooq. Politiit aalajangiinerat politiitut sulinerminnut atillugu naliliinerannit aallaaveqartarpooq. Eqqugaasup siorasaarneqarnerata annertussusaa aallaavigineqarluni. Naliliinermi ilanngunneqassaaq eqqugaasup piffissami tassani najukkani pillugu paasissutissat, aammal politiit illersuinissaminut periarfissaat allat ilanngulligit isertuussisinnaassuseqarlunilu isertuussinissaminut periarfissaqarnersoq.

Inuit siorasaarneqartut pitsaanerusumik illersorneqarnissaat kisiat siunertaralugu siunnersuut manna siunnersuutigineqarpoq.

Meeraq najukkap paasissutissartaanik illersugaasumi angajoqqaamini najugaqartoq, imaluunniit najugaqalersoq taassuma nalunaarsorneqarfia malissavaa.

Aalajangiiffigisassatut siunnersuuteqarnikkut Naalakkersuisut kissaatigaat danskit naalakkersuisuisa innuttaasut siooranartorsiorlutik immikkut inissisimasut illersorneqarnissaat pillugu nuna tamakkerlugu periusissialiornerat tapersorsorniarlugu. Pisumi tamatumani

pissutigalugu inuttut ataqqinassusiaagaanissamik inooqatigiinnermulluunniit tunngatillugu akerleriissuteqarnermi siorasaarneqarneqartarmata.

Kalaallit Nunaanni politiit 2014-imik ukiumoortumik naatsorsuusiaasa aallarniutaani nalunaarutigineqarpoq danmarkimut sanilliullugu sisamariaat sinnerlugu nakuusersimanerit suliassangortinnejartut, aamma 13-eriaat sinnerlugu kinguaassiuutitigut kannguttaatsuliorerit suliassangortinnejartut.

### **Aningaasatigut allaffissornikkullu pisortanut kinguneqaataasussat**

Kommunet allaffissornikkut aningaasartuutaasa annertunerulernissaat naatsorsuutigineqanngilaq.

Najukkap immikkut nalunaarsorneqarnissaaniq qanorpiaq iliortoqassanersoq pillugu allaffissornikkut aaqqiissutissamik pisariaqartitsisoqassappat kommunet nassaarniassapput, digitalimik imaluunniit nammineerluni nalunaarsuinissaq ingerlanneqassanersoq, pineqartup isumaginninnikkut pisinnaatitaaffiminik atuiinnarsinnaanissaa qulakkeerniarlugu.

Aaqqiisummik tamatuminnga ikittuinnaat atuinissaat naatsorsuutigineqarpoq.

### **Aningaasatigut allaffissornikkullu namminersorlutik inuussutissarsiutilinnut kinguneqaataasussat**

Namminersorlutik inuussutissarsiutilinnut aningaasatigut allaffissornikkullu annertunerusumik kinguneqaateqarnissaa ilimagineqanngilaq.

### **Aningaasatigut allaffissornikkullu innuttaasunut kinguneqaataasussat**

Inunnut, najukkap paassisutissartaasa immikkut illersugaanerannik attuumassuteqalersinnaasunut, aningaasatigut allaffissornikkullu kinguneqaataasussat annertusinnaapput. Pisut ataasiakkaat nalilersuivigineqarnerat politiit sulinerminni naliliinerannut ilaatinneqassaaq.

### **Ilanngussaq**

- Peqqusummut allannguutissatut siunnersuut, najukkap paassisutissartaasa immikkut illersugaanerat